

1615.

*Double*

65-

3370

REQUESTE  
PRESENTEE  
A V ROY,

Par les Députez du Tiers Estat.

8

M. DC. XV.

9-1011

W. J. B. B. B.

W. J. B. B. B.

W. J. B. B. B.

W. J. B. B. B.

W. J. B. B. B.

3

*Requête présentée au Roy par les  
Députez du Tiers Estat.*

A V R O Y.

SIRE,

Vos tres-humbles & tres-obeïssans subiects  
les Députez du Tiers Estat de France, ayans eu  
aduis de quelques nouvelles leuées & imposts  
tant sur le Sel que sur les Aydes, dont on pro-  
pose à vostre Majesté de surcharger cest Or-  
dre, pour esteindre la venalité des Offices, re-  
quise par tous les Cahiers Generaux, & enco-  
re pour payer les Députez des autres Ordres,  
contre les formes accoustumées, se sentent o-  
bligés par le deuoir de leurs charges & Depu-  
tations de vous faire sur ce sujet leurs tres-hū-  
bles remonstrances, tant par escript que de vi-  
ue voix, & croient que s'ils y manquoient, ce  
seroit non seulement abandonner ceux qui leur  
ont fié & mis en dépost leurs interets: mais en-  
core violer la foy qu'ils doiuent tous au serui-  
ce de vostre Majesté, en luy dissimulant le no-  
table préjudice qu'elle receuroit en cela par  
l'alteration des cœurs, & affection de ses peu-  
ples, qui porteroient sans doute impatiem-  
ment, voire impuissamment; attendu leurs  
miseres & calamitez des-jà extrêmes & lamen-

A ij



tables, de ne recueillir de l'assemblée des Estats que des épines au lieu du fruit & soulagement qui leur en a esté tant de fois promis. Vostre Majesté, SIRE, iugera ; s'il luy plaist, quelle apparence il y a que la venalité s'abolisse aux despens de son pauvre peuple, & qu'il en recoive l'incommodité plus grande sans aucun profit present & sensible, ny ayant rien si veritable que cet Ordre n'a plus d'interest que les autres en ladicte abolition, & neantmoins pour vn Ecclesiastique & Gentilhomme qui enuoyent aux greniers, il y en a deux mil du Tiers Estat qui s'y fournissent : De sorte qu'il estimeroit ; & avec raison, auoir esté principalement foulé & surchargé en ceste assemblée pour l'aduanrage & contentement des autres Ordres, quoy qu'ils se puissent glorifier d'auoir contribué en toutes occasions autant d'affection qu'eux au service de vostre Majesté, repos & tranquillité de son Royaume : Mais, SIRE, il y a vn moyen de remplacer vos parties Casuelles, plein de Iustice, sur les demandes que les Trois Ordres ont fait communément, si bien que nul aura occasion de s'en plaindre. C'est le retranchement des pensions excessiues accordées à des personnes de tous les Ordres, Conditions, & Qualitez, à la grande oppression de vostre Peuple, diminution de vos Finances, & mescontentement de plusieurs de vos subjets ; lesquels se sentent moins obligez au service de

3  
vostre Majesté, voyans les affections & fidelitez des autres mieux recognuës & recompensees que les leur. Il y a encores d'autres menagemens, espargnes, & moyens legitimes, representez par les Cahiers Generaux, dont V. M. peut tirer de grosses sommes de deniers, qui ne seront point trempées dans les larmes de son pauvre peuple; les Deputez duquel ne croyans pouvoir retourner avec honneur & seureté dans les Prouinces, s'ils n'éportent du moins pieces suffisantes pour tesmoigner que la surcharge de cest Ordre, qu'aucuns recherchent; ce semble à dessein, n'est point arrivée par la faute & connivence desdits Deputez. Ils vous supplient tres-humblement, Sire, que comme les Roys vos predecesseurs ont tousjours par leur bonté & Justice, receu en bonne part les remonstrances & plaintes de leurs subjects, & mesmes leurs oppositions à l'execution des Edits & Declarations obtenues par surprise, il plaise aussi à vostre Majesté agréer ceste tres-humble remonstrance; avec l'opposition desdits Députez, non pas à l'execution de sa volonté, puis qu'elle n'a encore ordonné lesdictes nouvelles leuees, mais à la reception & entherinement des aduis qui se donnent: & que sur ladicte opposition lesdictes ouuvertures soient réjettees, comme préjudiciables en effect au service de vostre Majesté, & rendant à la foule de son peuple. Qu'il soit loisible en

A iij

outre ausdits Députez de faire enregistrer leur remonstrance au greffe de vostre Conseil, & en retirer acte, pour leur seruir de descharge & iustification, non seulement enuers les villes & communautéz qui les ont enuoyez, mais aussi enuers V. M. laquelle iugera & recognoistra par lesdits éuenemens qu'elle n'a point eu en ceste Assemblée, & n'aura jamais, de plus fidelles subjects & seruiteurs que ceux qui apres s'estre courageusement portez & roidis à la conseruation de sa sacree personne & authorité, raschent encore de luy conseruer l'amour & bienveillance de ses peuples, lesquels SIRE, prieront continuellement Dieu pour vostre grandeur & prosperité.

Ainsi signé de Loupes, l'un des Deputez de la Senechaussée de Tholose, de Boucant, De Lallim, Geruais Bolacre, député de Niuernois, Salonnier, Député du mesme lieu. Chaseray, Lieutenant general, & député de Gien. Broulle Député de Perigort. Le Bret, Député de Gisors. Philippes L'oysel. De Porquier, Filere Député du Poy, Thibaut Gascoing & Rapine Deputez de S. Pierre le Moustier, Charon Député de Bergerac. De Combis Député de Comminge, du Broca Député d'Albret, du Roy Député du mesme lieu, de Lauuergne, Hanoing, de Foys, de Long député d'Armaignac, du Mas Député du bas Lymosin, le Roux Député de la Senechaussée de Carcassonne & Beziers, de Cham-



feu, de l'Aubespın, Deputez de Bourbonnois.  
 Sain Deputé du Bailliage de Touraine. Fou-  
 cault President & Maire de Bourges, & Deputé  
 du Berry. F. Carcat, l'un des Deputez dudit  
 lieu. S. Ferand Deputé de Chastelerault. Da-  
 uid l'Espinasse Deputé de Castres en Carcas-  
 sonne. Ragueau Deputé du Berry. Anthoine  
 de Vion Deputé de Mante & Meulan. Du  
 Chastenot Deputé de Limoges, de Fenis De-  
 puté du bas Limosin, Germain Deputé de  
 Costentin, Sauret Deputé du haut Auvergne,  
 Greyfolons Deputé de Forests, Vuilecot De-  
 puté de Boulongne. B. Angenoust Deputé de  
 Sens, le Noble Deputé de Troyes. L. de Ver-  
 tus Deputé de Chasteau Thierry. Monreilh de-  
 puté du haut Auvergne, de l'Isle, l'un des de-  
 putez des Chastellenies Royales & non Roy-  
 alles du Duché d'Orleans. Rollet deputé de  
 Vitry. Chalemot deputé de Meaux. Retel de-  
 puté de Prouins. De Odeau & Rousseau de-  
 putés d'Amboise. Reimont deputé de la basse  
 Marche, de Murat deputé du bas Auvergne.  
 Masson deputé des Estats de Dauphiné. Meric  
 deputé du Conté pays & senechaussée de Foix.  
 Ribier deputé de Bloys, de la Goute deputé de  
 la Rochelle, de Cordes deputé de Limoges.  
 Arnaut deputé de Poictou, de Long deputé de  
 Riviere. Verdun Riuac deputé de Forest, La-  
 nier & Mesnil deputez d'Anjou. Couppé de-  
 puté de Dreux, Guerin deputé de Rouergue,

de Montier député de Senlis. I. Chauaille député d'Vsarche. Pouchalan député de Condom & Gascongne, Perault député d'Estampes, le Beau député de Nemours.

Cette requeste a esté presentee au Roy par le sien Philbert, Lieutenant General de Blois, assisté de tous les susdits: apres qu'il eut de viue voix fait à sa Majesté les remonstrances sur le meisme subject: A quoy sa Majesté fit réponse en ces mots: *Je veux soulager mon Peuple autant qu'il me sera possible: Je vous ay fort bien entendu: l'en communiqueray à la Royne ma Mere, & à mon Conseil. La Royne apres prist la parole, & dit ausdits Deputez, Qu'ils estoient gens bien incommodex, c'est pourquoy ils se pouuoient retirer.*